

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND
HERZEGOVINA
TUZLA CANTON
ČELIĆ MUNICIPALITY
MUNICIPAL MAYOR

Tel: 035/668 650 A. Izetbegovića 60-2. 75246 Čelić E-mail: info@opcinacelic.ba
Broj: 02-45-2118-1/24
Čelić, 29.08.2024. godine

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24) (u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17), na preporuku komisije za nabavku broj: 04-45-2118-1/24 od 28.08.2024.godine, u postupku javne nabavke radova “Sanacija i asfaltiranje lokalnih puteva na području općine Čelić” LOT 1 - Sanacija i asfaltiranje ul. Mirsada Hamzića, MZ Ratkovići, m²=721,49, Općinski načelnik donosi:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javnu nabavku broj: 04-45-2118-1/24 od 28.08.2024.godine i Ugovor o izvođenju radova “Sanacija i asfaltiranje lokalnih puteva na području općine Čelić” LOT 1 - Sanacija i asfaltiranje ul. Mirsada Hamzića, MZ Ratkovići, m²=721,49, dodjeljuje se ponuđaču „EKO PROM“ d.o.o. Brčko, ponuda broj: 36-P-L1/2024 od 26.08.2024.godine, sa najnižom ponuđenom cijenom u iznosu od 49.508,76 KM bez PDV-a.

Član 2.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke dostavi originale ili ovjerene kopije dokumentacije navedene u tenderskoj dokumentaciji broj: 02-45-2118/24 od 02.08.2024.godine.

Član 3.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 4.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona, istovremeno sa upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-45-2118/24 od 01.08.2024.godine. Javna nabavka radova “Sanacija i asfaltiranje lokalnih puteva na području općine Čelić” provedena je putem otvorenog postupka. Procijenjena vrijednost javne nabavke iznosila je 148.389,26 KM bez PDV-a, a za LOT 1 - 49.513,76 KM bez PDV-a. Obavještenje o nabavci broj: 306-1-3-102-3-38/24 objavljeno je na Portalu javnih nabavki dana 02.08.2024.godine.

Komisija za javne nabavke imenovana rješenjem o imenovanju komisije za nabavku broj: 02-45-203/24 od 22.01.2024.godine nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku zapisnik o pregledu i ocjeni ponuda broj: 04-45-2118-1/24 od 26.08.2024.godine, preporuku o izboru najpovoljnijeg ponuđača broj: 04-45-2118-1/24 od 28.08.2024.godine i izvještaj o radu komisije broj: 04-45-2118-1/24 od 28.08.2024.godine.

U postupku po Izvještaju o radu utvrđeno je da je Komisija blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno tri ponude i to: d.o.o. „Papilon“ Koraj-Čelić, „Arapovac putevi“ d.o.o. Ratkovići i „EKO PROM“ d.o.o. Brčko,
- da su blagovremeno primljene tri ponude,
- da nije bilo neblagovremeno primljenih ponuda,
- da su ponude ponuđača „Arapovac putevi“ d.o.o. Ratkovići i d.o.o. „Papilon“ Koraj-Čelić ocijenjene kao nepravilne te su odbačene,
- da ponuda ponuđača „EKO PROM“ d.o.o. Brčko ispunjava kvalifikacione uslove te je ocijenjena kao prihvatljiva.

Pregledom i ocjenom ponude nisu uočene računске greške kod ponuđača.

Pregledom i ocjenom ponuda utvrđeno je da je ponuda ponuđača „Arapovac putevi“ d.o.o. Ratkovići nepravilna. Član 2. stav (1) tačka l) Zakona propisuje: „Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.“... Nepravilna ponuda je ona ponuda koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska. Članom 57. stav (1) Zakona propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije. U tački 2.2. tenderske dokumentacije određeno je između ostalog i sljedeće: Predmet nabavke je podijeljen na lotove... Ponuđači mogu dostaviti ponudu za jedan lot ili za više lotova ili za sve lotove. Za svaki lot se podnosi posebna ponuda. U ponudi unutar lota moraju biti ponuđene sve stavke na način kako je definisano obrascem za cijenu ponude i predmjerima radova iz priloga tenderske dokumentacije. Ponuđač za svaki lot može dostaviti samo jednu ponudu. Nije dopušteno dostavljanje alternativnih ponuda, niti u okviru grupe ponuđača dostavljati i samostalno ponudu za pojedinačni lot. U tački 4. tenderske dokumentacije navedeno je i: Ponuđači su obavezni da pripreme ponude u skladu sa kriterijima koji su utvredeni u ovoj tenderskoj dokumentaciji. Ponude koje nisu pripremljene u skladu sa ovom tenderskom dokumentacijom će biti odbačene... Ponuda se izrađuje na način da čini cjelinu... Članom 2. stav (5) Uputstva definisano je: Ako se podnose ponude za lotove, tenderska dokumentacija izrađuje se na način koji omogućava izradu ponude za svaki lot posebno...; navedeno je ugovorni organ jasno definisao, a tačkom 4.3. tenderske dokumentacije je definisan način dostavljanja dokumenata koji su zajednički za više lotova, a koji način definisanja je u skladu sa odredbama Uputstva; gdje je i navedeno da ostali traženi dokumenti i dokazi koji se podnose za pojedini lot moraju se dostaviti u ponudi za taj lot. Shodno navedenom, ugovorni organ je na nedvosmislen način odredio da se za svaki lot dostavlja posebna ponuda. Kako je ponuđač „Arapovac putevi“ d.o.o. Ratkovići dostavio ponudu za dva lota, odnosno sve lotove u jednom uvezu (ponudi), što je suprotno odredbama definisanim u tenderskoj dokumentaciji broj: 02-45-2118/24 od 02.08.2024.godine, to je Komisija jednoglasno odlučila da je ponuda

ponuđača „Arapovac putevi“ d.o.o. Ratkovići nepravilna i uvažavajući odredbe člana 2. stav (1) tačka 1) alineja (3) Zakona se odbacuje.

Pregledom i ocjenom ponuda utvrđeno je da je ponuda ponuđača d.o.o. „Papilon“ Koraj-Čelić nepravilna. Član 2. stav (1) tačka 1) Zakona propisuje: „Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.“... Nepravilna ponuda je ona ponuda koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska. Članom 57. stav (1) Zakona propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije. Dana 16.08.2024.godine ugovorni organ izvršio je izmjenu tenderske dokumentacije u smislu Izjave iz člana 50. odnosno 51. Zakona te je navedenom izmjenom definisano u članu 2. da su ponuđači dužni da ponude pripreme u skladu sa istim. Uvidom u izvještaj o preuzimanju tenderske dokumentacije, ugovorni organ utvrdio je da ponuđač nije ni preuzeo izmjenu tenderske dokumentacije od 16.08.2024. godine, iako je portal javnih nabavki uređen sistem, koji obavještava ponuđače koji su preuzeli tenderske dokumentacije o bilo kojoj izmjeni koju uradi ugovorni organ u tenderskoj dokumentaciji (i putem portala i putem e-maila). Ponuđač je preuzeo tendersku dokumentaciju 02.08.2024.godine, izmjena je izvršena 16.08.2024.godine, rok za preuzimanje tenderske dokumentacije je do 22.08.2024.godine, rok za prijem i otvaranje ponuda 26.08.2024.godine. Ponuđač d.o.o. „Papilon“ Koraj-Čelić je u ponudi broj: 64/24 od 26.08.2024.godine na strani 13. dostavio (ANEKS 6) izjavu iz člana 50. a ne 51. Zakona kako je određeno izmjenom tenderske dokumentacije. U skladu sa naprijed navedenim, Komisija je jednoglasno odlučila da je ponuda ponuđača d.o.o. „Papilon“ Koraj-Čelić nepravilna i uvažavajući odredbe člana 2. stav (1) tačka 1) alineja (3) Zakona se odbacuje.

Pregledom i ocjenom ponuda utvrđeno je da ponuda ponuđača „EKO PROM“ d.o.o. Brčko, ispunjava kvalifikacione uslove predviđene tenderskom dokumentacijom, te je ocijenjena kao prihvatljiva. Navedeni ponuđač dostavio je tražene dokaze zahtijevane tenderskom dokumentacijom na propisan način.

Tenderskom dokumentacijom za predmetnu nabavku predviđeno je provođenje e-aukcije. Članom 4. stav (2) Pravilnika o uslovima i načinu korištenja e-aukcije (Službeni glasnik BiH, broj 80/23) predviđeno je da u slučaju prijema jedne prihvatljive ponude e-aukcija se neće zakazivati, s tim u vezi postupak će se okončati u skladu sa članom 69. Zakona.

Komisija za nabavku nakon ocjene ponuda konstatovala je da je najpovoljnija ponuda ponuđača „EKO PROM“ d.o.o. Brčko i predložila da se ugovor o predmetnoj nabavci zaključi sa ponuđačem „EKO PROM“ d.o.o. Brčko sa najnižom ponudenom cijenom u iznosu od 49.508,76 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa. Ponuđač je dužan dostaviti žalbu ugovornom organu najmanje u tri primjerka, a sve u skladu sa članom 101. i 105. Zakona.

OPĆINSKI NAČELNIK


Admir Hrustanović, dipl. oec

Dostavljeno:

1. Ponuđačima (3x)
2. Komisiji za nabavke
3. Službi za računovodstvene, poslove trezora, privredu i razvoj
4. Za općinsku web stranicu
5. Evidenciji
6. Arhivi